

Guangjisi Minzcu Bau

ganhhau: CN45-0036 B.2017 Nd.11 Ng.1 liggaeuq dingyoux nienz ndwengouj cibsam

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3297期

Hawj Vahcuengh Youq Gwnz Hoih Cibgouj Daih Haprwenz

让壮语在十九大会场回响

—Cungguek Minzcu Yijvwnz Fanhyiz Giz Funghranz Sawcuengh
Vahcuengh Guhsat Hong Fanhoiz Gij Vwnzgen Cibgouj Daih

Ndwen 10 ngoenz 18 daengz 24, Aenhoih Cungguek Gungcanjdangj Baez Daihcibgouj Daengx Guek Dai-byauj youq Baekging hai, neix dwg baez hoih youqgaenj aendangj raeuz youq duenh ceiyouqgaenj dwkhangz cienzmienh guhbaenz siujgangh sevei caeuq sevei cuji miz Cungguek daeg-saek hauej seizdaih moq hai haenx. Vih hawj gij daibyauj minzcu vwnz-noix gibseiz cinjdeng roxyiuj gij cingsaenz vwnzgen aenhoih, Cungguek Minzcu Yijvwnz Fanhyiz Giz Fungh-

ranz Sawcuengh Vahcuengh caeuq roek aen funghranz saw wng rapdawz gij hong yungh Sawcuengh daengj caet loh saw minzcu vwnznoix fanhoiz gij vwnzgen aenhoih caeuq youq Yinzminz Daveidangz yungh Vahcuengh daengj caet loh vah minzcu vwnznoix guh doengzsing cienzhoiz. Cuiyau fanhoiz gij vwnzgen aenhoih gij cwngci baugau 《Dwkhangz Cienzmienh Guhbaenz Siujgangh Sevei Dued Ndae Seizdaih Moq Sevei Cuiji Miz Cungguek Daeg-saek Ndaejhingz Hungmbwk》Cungh-

gung Cunghyangh cungsuhgi Siz Ginbingz daiyauj Cibbet Gaiq Cunghyangh Veijyenzei yienq aenhoih guh haenx, 《Cungguek Gungcanjdangj Canghcwngz (Siuhdingh-an)》caeuq gij guhhong baugau Cibbet Gaiq Cunghyangh Gijliz Genjcaz Veijyenzei yienq aenhoih guh haenx daengj, gyoebseueng 10.2 fanh cih Sawgun.

(Cungguek Minzcu Yijvwnz Fanhyiz Giz Funghranz Sawcuengh Vahcuengh hawjgaui)

Yungzsuij: Bak Boux Canghfwen Caemhdaiz Haenh Aencingz Dangi



融水:

百名山歌手
同台颂党恩

Ndwen 10 ngoenz 28, Liuj-couh Si Yungzsuij Myauzcuz Swciyen Vanghdung Yangh Canjyuz Cunh banh hoihfwen gouj nyied gouj goek Dah-beigyangh gaiq daihsei, 120 lai boux canghfwen Bouxcuengh caeuq 36 boux canghfwen Bouxgun caemhdaiz eu fwen, gyoengq canghfwen hopheux gij cingsaenz Cibgouj Daih, danqhaenh lajmbanj gyaunde, danqhaenh saedceij fougmiz, hohfuk guekcoj hoenghvuengh hwnghat. Ndaw doz dwg canghfwen doiq fwen.

(Liu Swjyen/廖子渊)

Swcigih Vwnzva Leih Beksingq Hanghmoeg Soengq Heiq Roengz Mbanj Daengz Binhyangz

自治区文化惠民项目送戏下乡到宾阳

Mboengqneix, vih ciengqyienj aen siengjmuengh Cungguek Guengjsae, fungfouq gij vwnzva saedceij gyoengq vunzlai, swcigih vwnzva leih beksingq hanghmoeg soengq heiq roengz mbanj daengz Binhyangz Yen Swlungj Cin Luzgauh Cunh, youq aen cunh neix banh ciengz vwnzyi comzyienj hozdung ndei yawj he, vih vunzlai soengq daeuj donq ngaiz vwnzyi fungfouq he.

Comzyienj seiz, bouxyienj aeu gij cezmu z bonjfaenh saeqsim caepcawq haenx youq gwnz daiz langhbaiz okdaeuj. Cezmu z cuiyau biujiyenj bajheiq, miz diuq fouxyienghbing, dapsaih, caij maxfaex daengj, langhbaiz ok gij dinfwngz ak Swcigih Cazgidonz, foux ok le mwh hauxseng, diuq ok le rengzhoengh. Yienhcieingz bouxyawj yiedcingz dangqmaz, vunzlai cungfaen roxnyinh le gij yinxdaeuz

bajheiq, biujiyenj ndei yawj ndaej daengz yienhcieingz bouxyawj bek-fwngz haenx.

Baez hozdung neix, caenh' itbouh fungfouq gij vwnzva saedceij vunzlai, vunzlai doengzseiz hix ndaej daengz baez gyaex guek cuiji gyauiyuz laegdaeuz he, gikfat gij yiedcingz caezgya caemh hwnjguh sevei cuiji, ndaej daengz gyoengq vunzlai lajmbanj angqcoux.

(Loz Linzcaiz/罗林才)

SIUSIK DINJ

简讯

● Ndwen 10 ngoenz 27, Luzcai Yen Bingzsan Cin cujiz aendoih yienj vwnzyi cunzdaug senhconz gij cing-saenz Cibgouj Daih daengz Bingzsan Segih yienjok, doenggvaq yienj, ciengq, gangj, son daengj hingzsik yienq vunzlai senhconz gvancez gij cingsaenz Cibgouj Daih, hawj vunzlai lai roxyiuj Cibgouj Daih dangj.

(Lai Genveih)

● Ndwen 10 ngoenz 28, Denzyangz Denzcouh Guj-cwngz cingj "aendoih lauxhangz yawj bingh Suh canghyw" aen yienh neix, youq bakdou douhung ging-gih haiguh "ciet gouj nyied gouj gingq bouxlaux hauq youq ndaw bak" simndei yawj bingh hozdung mbouj aeu cienz, vih gyoengq bouxlaux gvaq roen daezhawj cangq-heiq camcaz caeuq dijenj fuzvu mbouj aeu cienz, ndaej daengz vunzlai haenh.

(Vangz Gozsun)

● Ndwen 10 ngoenz 27 banhaemh, Namzningz ndwenndwen ciet lijyouz caeuq Liengzging Gih angqhoh Cibgouj Daih ciet vwnzva lijyouz minzsuz bi 2017 Liengzging Gih youq Aen Cungsimej Dijiuz Guengjsae gvancangz baihaek haimuq. Hozdung yienhcieingz singfwen goksasa, beksingq Liengzging yungh gij fuengsik daegbied bonjfaenh, yienq seiqgyaiq langhbaiz le gij fungcingz byadah, gij yinxdaeuz yinzvwnz, gij yienghmoq hwnghat, hawj gyoengqvunz lai roxyiuj Liengzging Gih.

(Dangz Cuihyen)

● Ndwen 10 ngoenz 25, ciet gouj nyied gouj daengz gaxgonq, Cauhbingz Yen banh aen hozdung cunzsuen ciet gouj nyied gouj, hozdung miz cw da roq laz, bau aengengx, nyingz feihbyauh, baenq buenzcienq daengj doenghgij hanghmoeg guh-angq hab bouxlaux caemhcaiq miz yinx haenx, caenh-itbouh fungfouq gij ndwenngoenz vwnzva seizhoengq gyoengq bouxlaux.

(Liuz Feih Vangz Auvaz)